

№1 педагогикалық кеңестің хаттамасы

Тақырыбы «Жаңа оқу жылындағы бөбекжай қызметінің негізгі бағыттары».

Мақсаты: 2024-2025 жаңа оқу жылында тәрбиелеу-оқыту жұмысын ұйымдастыру. 2024-2025 оқу жылында тәрбиелеу- білім беру процесін ұйымдастыру туралы әдістемелік нұсқау хатпен таныстыру. Тамыз кеңесі материалдарымен таныстыру.

Өткізген күні: 29 тамыз 2024 жыл

Қатысқан:11 педагог

Қатыспаған: 1

Педкеңес төрайымы: Б.Ибадуллаева

Хатшы: А.Досекеева

Күн тәртібінде:

1. Бөбекжай меңгерушісі Б.Ибадуллаеваның алғы сөзі. Жаңа оқу жылының басталуымен құттықтау. Күн тәртібімен таныстыру

2. Білім беру қызметкерлерінің тамыз кеңесінің материалдарымен таныстыру. 2024-2025 оқу жылында тәрбиелеу- білім беру процесін ұйымдастыру туралы әдістемелік нұсқау хатпен таныстыру

3.Жазғы сауықтыру – шынықтыру іс-шараларының атқарылған жұмыстарын талқылау, қорыту

4. 2024-2025 оқу жылына арналған жылдық жоспарды бекіту:

- жылдық мақсат пен міндеттерді;
- оқу жоспарларын, вариативтік бөлімін бекіту;
- ұйымдастырылған іс-әрекеттерді бөлу кестесі;
- перспективалық жұмыс жоспарлары;
- күн тәртібі кестесін бекіту

5. Аттестациядан өтетін педагогтардың тізімін анықтап, бекіту.

6. Педагогикалық кеңестің шешімін қабылдау және бекіту.

2024-2025 оқу жылының №1 педкеңесі дәстүрден тыс тәсілде өтті. Бірінші мәселе бойынша бөбекжай -бақша меңгерушісі Б.Ибадуллаева сөз алды. Педагогтарды жаңа оқу жылымен құттықтап, жаңа оқу жылына толағай табыстар тіледі. 2023-2024 оқу жылына қорытынды жасалынып, жасалған жұмыстардың нәтижесін атап өтті. Тәрбиеленушілердің мониторингісіне тоқталып, балалардың коммуникативтік білім дағдыларын дамыту бойынша іс-әрекеттерді көбейтуді тапсырды.

Екінші мәселе бойынша әдіскер А.Досекеева білім беру қызметкерлерінің тамыз кеңесінің материалдарымен таныстырды. 2024-2025 оқу жылында тәрбиелеу-білім беру процесін ұйымдастыру туралы әдістемелік нұсқау хатпен таныстыру жүргізді. Презентацияда әр бөлім бойынша өзгерістер толықтай айтылды, бағдарлама аясында бөбекжай миссиясы анықталды.. 2023-2029 жылдарға арналған жаңартылған тұжырымдама бойынша «Біртұтас тәрбие» бағытында кешенді бағдарлама аясында

жұмыс жасалатынын айтып, дамытушы орталықтарды кеңейтуді ескертті. Балаларға арналған ұлттық бұрышта арнайы қамшы өру, шаш өру бұрыштарын және балаларға арнайы жайлы демалыс орны болуы керектігін де атап өтті. Тәрбиешілердің сұрақтарына жауап берілді, нұсқаулық бойынша аналар, әжелер, әкелер мектебі бойынша кешенді жұмыстар жалғасатынын да айта кетті.

Үшінші мәселе бойынша әдіскер жазғы сауықтыру – шынықтыру іс-шараларының атқарылған жұмыстарын қорытындылады. Жазғы сауықтыру кезеңінде алты топ жұмыс жасады, әр апта сайын ауданға есеп жіберіліп отырды, ресми парақшаға жазғы сауықтыру кезеңінде 34 видеоматериал жүктелгенін атап өтті.

Төртінші мәселе бойынша 2024-2025 оқу жылының жылдық жұмыс жоспары бекітілді. 2024-2025 оқу жылы шыққан әдістемелік нұсқаулық хат негізінде мерекелік іс-шаралар талқыланды. Жаңа оқу жылындағы өзгерістер айтылды. Педагогтардың сұрақтарына жауап берді. Барлық топтарға ұйымдастырылған іс-әрекеттердің кестесі, вариативтік бөлім кестесі, перспективалық жоспарлары, таңғы жаттығу және әнұран айту кестесі, күн тәртібі кестесін бекітіліп, таратылды. Бөбекжайдың жас мамандарына тәлімгерлер бекітілді. Тәлімгерлік жұмыс бойынша жоспар құрылды.

Бесінші мәселе бойынша күзгі аттестациядан өтетін педагогтардың тізімі анықталды, портфолио мен тестілеуге дайындықты бастауды тапсырды.

Ішкі тәртіп ережелерін қайта айтып меңгеруші педагогтарға жұмысқа кешікпеулерін және ата-аналар жиналысын өткізу қажеттігін атап өтті. Әрбір іс-әрекеттерде ата-аналармен тығыз байланыста болуларын ескертті. Балалардың тазалығы мен төлемақысын қадағалауды тапсырды.

Педагогикалық кеңестің шешімін қабылданды.

Қаулы:

1. 11 қыркүйекке дейін топтардың жеке іс-қағаздары тапсырылсын.
2. Қыркүйек айының екінші аптасында перспективалық жоспарлар бекітілсін.
3. Ішкі тәртіп толықтай сақталсын, жұмысқа уақытылы келсін.
4. Топтардағы дамытушы орталықтар толықтырылсын.
5. Білім беру-тәрбиелеу процестеріне ата-аналар тартылсын. Ашық есік күндері ұйымдастырылсын
6. Жасанды интеллект технологияларын меңгеру бойынша педагогтар арасында жиі шеберлік сағаттары өткізілсін.

Педкеңес төрайымы:

Хатшы:



№2 педагогикалық кеңестің күн тәртібі

Тақырыбы «Арнайы білімді қажет ететін балалардың танымдық қызығушылығын ойын арқылы арттыру».

Мақсаты: балалардың денсаулығы мен өмірін қорғауды қамтамасыз етуге, балалардың жеке тұлғалық ерекшеліктерін және әр баланың мүмкіндігін ескере отырып, ақыл-ой, адамгершілік, физикалық, эмоционалдық, танымдық қабілеттерін дамытуға психологиялық бағыт – бағдар беру

Өткізген күні: 06 қараша 2024 жыл

Қатысқан: 11 педагог

Қатыспаған: жоқ

Педкеңес төрайымы: Б.Ибадуллаева

Хатшы: А.Досекеева

Күн тәртібіндегі мәселелер:

1. № 1 педагогикалық кеңесте қабылданған шешімдердің орындалуы
Меңгеруші :Б.Ибадуллаева
2. «Ерекше білім беруді талап ететін балаларға жасанды интеллект қалай көмектесе алады?»
тәрбиеші АжыбаеваАмангул
3. Ерекше білім беруді талап ететін балалармен жұмыс.
Логопед: Наурызбаева Тогжан
4. Ерекше білім беруді талап ететін балалардың қауіпсіздігі.
Тәрбиеші: Қосыбаева Жанат
5. Тренинг.
Педагог-психолог: Жақсылық Мираш
6. Педагогикалық кеңестің шешімін қабылдау және бекіту.

Бірінші мәселе бойынша бөбекжай меңгерушісі Б.Ибадуллаева сөз алды. Педагогтардың жұмыстарын саралап, топтардағы дамытушы орталықтардың толықтырылуы бойынша талдау жүргізді. Топтардың жұмыстарына оң бағасын берді. . 2024-2025 оқу жылының №1 педагогикалық кеңесінде қабылданған шешімдердің орындалуын өте жақсы деп бағалады. Педагогтарға нейрожелілерді үйреніп қана қоймай, күнделікті балалармен жиі қолдануды тапсырды.

Екінші мәселе бойынша тәрбиеші АжыбаеваАмангул «Ерекше білім беруді талап ететін балаларға жасанды интеллект қалай көмектесе алады?» тақырыбында шеберлік сағатын көрсетті. Ерекше білім беруді қажет ететін балалар мен олармен жүргізілетін

жұмыстар тұрғысында бірнеше кеңестер берілді. Педагогтерге Umaigra платформасында жұмыс жасауды үйретті, педагогтар платформаға кіріп, ойынды құрастыруға болатынын шеберлік сағатында көрсетіп, әр түрлі педагогтар жасаған ойындарға талдау жүргізді. Тәрбиешілердің сұрақтарына жауап бере кетті. Барлық педагогтерге платформада жұмыс жасау ұнады, ерекше білім беруді қажет ететін балалармен жұмыс жасау кезінде басшылыққа алатындарын айтып, әріптестеріне алғыстарын білдірді.

Үшінші мәселе бойынша логопед Т.Наурызбаева «Ерекше білім беруді талап ететін балалармен жұмыс» тақырыбында іс-тәжірибесімен бөлісті. Педагогтерге ерекше білім беруді қажет ететін балалармен ойналатын көптеген ойын түрлерімен және ойындардың шарттарымен таныстырды. Әріптестері тарапынан логопед жұмысы оң бағаланды, әрбір ойыннан алған әсерлерін бөлісіп отырды. Дыбыстық жаттығулардан бастап, тыныс алу жаттығулары мен қолда бар заттармен ерекше білім беруді қажет ететін балалармен жүргізілетін ойын түрлері көрсетілді.

Төртінші мәселе бойынша тәрбиеші Ж.Косыбаева «Ерекше білім беруді талап ететін балалардың қауіпсіздігі» тақырыбында өз тобындағы ерекше білім беруді талап ететін балалардың қауіпсіздігін қалай қамтамасыз етіп жатқаны жөнінде өз іс-тәжірибесімен бөлісті. Аталған санаттағы балалармен жүргізілетін жеке жұмыстарынан көрсете өтті. Әр баланың қауіпсіздігі үшін қандай да бір жасалынып жатқан іс-әрекеті мен балалармен қарым-қатынастары да талқыланды, әріптестер тарапынан Жансаяның жұмысы мен шыдамдылығы оң бағаланды, әріптестері тарапынан мақтау естіді.

Бесінші мәселе бөбекжай психологы М.Жақсылық ерекше білім беруді талап ететін балалардың орнында педагогтер сіздер болсаңыздар не етер едіңіздер деген қозғаушы сұрағын қойып, педагогтерді ситуациялық ойынға шақырды. Ойын соңында педагогтер ерекше білім беруді қажет ететін балалардың ішкі сезімімен таныс болды және ол балаларға көмектесулері үшін дайын болатындықтарын, өз қорытындыларын айтты.

Әр түрлі мәселелер бойынша ерекше білім беруді талап ететін балалардың қауіпсіздігіне аса сақ болуды талап етті, балалармен жеке жұмыстары көптеп жасалынып, тәрбиешілер бүгінгі іс-тәжірибеде көрген ойындарын өз жұмыстарында қолдануды сұрады. Ішкі тәртіп ережелерін қайта айтып меңгеруші педагогтарға жұмысқа кешікпеулерін және ата-аналар жиналысын өткізу қажеттігін атап өтті. Әрбір іс-әрекеттерде ата-аналармен тығыз байланыста болуларын ескертті. Балалардың тазалығы мен төлемақысын қадағалауды тапсырды.

Педагогикалық кеңес қорытындыланып, педагогикалық кеңестің шешімі қабылданды.

Қаулы:

1. Ерекше білім беруді қажет ететін балалар қауіпсіздігі сақталсын
2. Ерекше білім беруді балалармен жұмыс жасай алуы үшін тәрбиешілер біліктіліктерін арттырсын.

3. Цифрлық технологиялармен жұмыс жасауда нейрожелілермен жұмыс жасау басшылыққа алынсын

4. Топтардағы дамытушы орталықтар толықтырылсын.

5. Жасанды интеллект технологияларын меңгеру бойынша педагогтар арасында жиі шеберлік сағаттары өткізілуі әдіскерге жүктелсін.

Педкеңес төрайымы:

Хатшы:



№3 педагогикалық кеңес хаттамасы

Тақырыбы: «Бөбекжай мен ата-аналар арасындағы ынтымақтастық»

Мақсаты: Бөбекжай мен ата-аналар арасында өзара ынтымақтастық орнату және нығайту. Ата-аналарды тәрбие процесіне белсенді түрде тарту. Балалардың дамуына ата-аналардың рөлін арттыру үшін тиімді әдіс-тәсілдерді талқылау және қолдану. «Жас ата-аналар», «Аналар мектебі» және «Әкелер мектебі» аясындағы жұмыстарды жетілдіру. Ата-аналармен қарым-қатынасты заманауи әдістер арқылы тиімді ұйымдастыру.

Өткізген күні: 05 ақпан 2025 жыл

Қатысқан: 11 педагог

Қатыспаған: жоқ

Педкеңес төрайымы: Б.Ибадуллаева

Хатшы: А.Досекеева

Күн тәртібі:

1. №2 педагогикалық кеңесте қабылданған шешімдердің орындалуы туралы есеп.
 2. «Жас ата-аналар» мектебі аясында шеберлік сағаты. Тәрбиеші: Бабашова Гулайхан Нуритдиновна
 3. «Жас аналармен жұмыс жасауға нені ескереміз» іс-тәжірибе. Тәрбиеші: Исаева Жадыра Жамбуловна
 4. «Әкелер мектебі» аясында шеберлік сағаты. Дене тәрбие нұсқаушысы: Сагимбаев Жансейт
- №3 педагогикалық кеңестің шешімі.

Бірінші мәселе бойынша бөбекжай меңгерушісі Б.Ибадуллаева сөз алды.

1. №2 педагогикалық кеңесте қабылданған шешімдердің орындалуы туралы есеп. Балабақша меңгерушісі №2 педагогикалық кеңестің шешімдері бойынша атқарылған жұмыстар туралы есеп берді. Атап айтқанда:

1. Ерекше білім беруді қажет ететін балалар қауіпсіздігі сақталсын
2. Ерекше білім беруді балалармен жұмыс жасай алуы үшін тәрбиешілер біліктіліктерін арттырсын.
3. Цифрлық технологиялармен жұмыс жасауда нейрожелілермен жұмыс жасау басшылыққа алынсын
4. Топтардағы дамытушы орталықтар толықтырылсын.
5. Жасанды интеллект технологияларын меңгеру бойынша педагогтар арасында жиі шеберлік сағаттары өткізілуі әдіскерге жүктелсін.

Аталған қаулы бойынша жұмыстардың орындалуына оң баға берілді.

Қорытынды: Шешімдер толық көлемде орындалды. Жаңа жоспарлар жасау

қажеттілігі атап өтілді.

2. «Жас ата-аналар» мектебі аясында шеберлік сағаты. Тәрбиеші Бабашова Гулайхан жас ата-аналарды балабақшаның тәрбие жұмысына тарту үшін қолданылған әдістерімен бөлісті. Шеберлік сағатында ата-аналарға баламен қарым-қатынасты нығайтудың заманауи тәсілдері ұсынылды.

Қорытынды: Шеберлік сағаты барысында ата-аналар тарапынан жоғары қызығушылық байқалды. Қосымша семинарлар ұйымдастыру туралы ұсыныс енгізілді.

3. «Жас аналармен жұмыс жасауға нені ескереміз» іс-тәжірибе. Тәрбиеші Исаева Жадыра жас аналармен жұмыс жасаудағы тиімді тәжірибесін бөлісті. Жұмыс барысында психологиялық қолдау көрсету және эмоционалдық тепе-теңдікті сақтау қажеттігі айтылды.

Қорытынды: Жас аналармен жұмысты жандандыру үшін арнайы тренингтер жоспарлау туралы шешім қабылданды.

4. «Әкелер мектебі» аясында шеберлік сағаты. Дене тәрбие нұсқаушысы Сагимбаев Жансейт әкелердің балалар тәрбиесіндегі рөлін арттыру бойынша тәжірибесін таныстырды. Әкелерге арналған шығармашылық және спорттық іс-шаралар ұйымдастырылды.

Қорытынды: Әкелерді тәрбиелік жұмыстарға көбірек тарту үшін жаңа форматтағы шаралар енгізу ұсынылды.

№3 педагогикалық кеңестің шешімі:

1. №2 педагогикалық кеңестің шешімдері толығымен орындалғаны назарға алынды.
2. Ата-аналармен ынтымақтастықты нығайту мақсатында:
 - «Жас ата-аналар» мектебі аясында қосымша шаралар ұйымдастырылсын.
 - Жас аналармен жеке және топтық жұмыстарды күшейтілсін.

№4 педагогикалық кеңес тақырыбы: *«Бөбекжайдағы іс-әрекет процесі»*

Мақсаты: педагогикалық ұжымның жұмыстарының жетістіктері мен кемшіліктерін түзету жолдарын белгілеу.

№ 3 педагогикалық кеңесте қабылданған шешімдерінің орындалуы.

Өткізген күні: 27 наурыз 2025 жыл

Барлығы: 12 педагог

Қатыспаған: 0 педагог

Педкеңес төрайымы: Б.Ибадуллаева

Хатшы: А.Досекеева

Күн тәртібіндегі мәселелер:

1. № 3 педагогикалық кеңесте қабылданған шешімдерінің орындалуы.

Бөбекжай меңгерушісі: Б.Ибадуллаева

2. Баяндама: «Инновациялық технология арқылы балалардың шығармашылық-танымдық қабілеттерін дамыту»

Тәрбиеші: Қалдыбаева Нургул

3. Тренинг. Мақсаты: тәрбиеленушілерден қазіргі заманғы отбасы туралы нақты жағдайларға идеалды көзқарастарды талдау, тәжірибесін басқаларға өнеге ету, біліктілігін жетілдіру.

Әдіскер: Досекеева

4. «Менің педагогикалық жаңалығым»

Тәрбиеші Қосыбаева Жанат

5. «Инновациялық әдіс-тәсілдер» шеберлік сағаты.

Тәрбиеші: Пернебаева Айжан

6. Әр түрлі мәселелер

Педагогикалық кеңестің шешім жобасын қабылдау және бекіту.

2023-2024 оқу жылының №3 педкеңесі дәстүрден тыс өтті. Бірінші мәселе бойынша бөбекжай меңгерушісі Б.Ибадуллаева сөз алды. №3 педагогикалық кеңестің шешімдерінің орындалуына тоқталып, жақсы деген баға берді. Педагогтар арасындағы әріптестің қарым-қатынас бойынша ескертпелер туралы айтылды. Топтарды орталықтарға бөлу бойынша бірнеше нұсқаулар берілді. Орталықтарды ары қарай жандандыра беруді тапсырды.

Екінші мәселе бойынша «Инновациялық технология арқылы балалардың шығармашылық- танымдық қабілеттерін дамыту» тақырыбында ҚалдыбаеваН. баяндама оқуы тиіс еді, дайын болмағандықтан №5 педкеңеске қалдырылды.

Үшінші мәселе бойынша әдіскер Досекеева А. «Бақытты отбасы» тренинг өткізді. Мақсаты: тәрбиеленушілерден қазіргі заманғы отбасы туралы нақты

жағдайларға идеалды көзқарастарды талдау, тәжірибесін басқаларға өнеге ету, біліктілігін жетілдіру. Жас ата-аналарға нұсқау берудегі тәрбиешілердің ұстануы тиіс бірнеше ережелермен таныстырды. «Бақытты болудың» және «Бақытты отбасы» құрудың критерийлері талқыланды.

Төртінші мәселе бойынша «Менің педагогикалық жаңалығым» тақырыбындағы шеберлік сағаты да дайын болмағандықтан №5 педкеңеске қалдырылды.

Бесінші мәселе бойынша тәрбиеші Пернебаева Айжан «Инновациялық әдіс-тәсілдер» шеберлік сағатын өткізді. Кіші және ортаңғы топ балаларына арналған ойын түрлерімен таныстырды, жылжымалы түрде жасалынған ойын түрлерін таныстырды. Әріптестері сұрақтарын қойып, шеберлік сағаты өте жақсы көрстілді.

Әр түрлі мәселелер бойынша әдіскер А.Досеева топтардың ішкі безендірілуі мен орталықтарға бөлінуге байланысты баға берілді. Топтардың айлық жұмыстары бойынша есептерді уақытында тапсырып, өткізіп отыруды ескертті. Бөбекжай меңгерушісі Б.Ибадуллаева ішкі тәртіп пен 2024-2025 оқу жылының аудандық семинарына байланысты нұсқаулар берілді. Төлемақыны уақытында төлетіп отыруды тапсырды, педагогтар арасындағы әріптестік қарым-қатынастарды нығайтуға тапсырды. Бір-бірімен жақсы қарым-қатынас орнатуды сұрады. Педагогикалық кеңес қорытындыланды, шешім шығарылды.

№4 педагогикалық кеңестің шешімі:

1. Тапсырылмаған тапсырмалар мен циклограмма жазылмағаны үшін әдіскерден түсінік хат басшыға түскен жағдайда еңбек ақысынан шегерілсін.

2. Дамытушы орталықтар толықтырылсын.

4. Әріптестер арасында өзара тілтабысулық, бірлік болсын. Ұжым тәртібіне бағынышты болсын, Келесі келеңсіз жағдайда бөбекжай тәртіп ережесін бұзса басшы тарапынан ескерту жазылсын.

4. Күн режимі бақылауға алынсын.

Педкеңес төрайымы:

Хатшы:



№5 педагогикалық кеңес тақырыбы: *Өткен оқу жылындағы педагогикалық ұжым жұмысының нәтижелігі*

Мақсаты: *МДМ-де барлық іс-әрекеттер нәтижесін және әр педагогтың жыл бойы жасаған жұмысын қорытындылау, тәрбие-білім беру жұмысының бірнеше түрлерін көрсете алуы, оның нәтижесі. № 4 педагогикалық кеңесте қабылданған шешімдерінің орындалуы.*

Өткізген күні: 20 мамыр 2025 жыл

Барлығы: 12 педагог

Қатысқан: 12 педагог

Қатыспаған: 0 педагог

Педкеңес төрайымы: Б.Ибадуллаева

Хатшы: Доскеева А.

Күн тәртібіндегі мәселелер:

1. №4 педагогикалық кеңесте қабылданған шешімдерінің орындалуы.

Бөбекжай меңгерушісі: Б.Ибадуллаева

2. Педагогтардың жыл бойы істелінген жұмыстар бойынша есеп, тәлімгерлер жұмысының есебі.

Әдіскер, барлық педагогтер

3. 2024-2025 оқу жылының мамыр айындағы балалардың негізгі құзыреттіліктерінің қалыптасуы бойынша сараптама (мониторинг нәтижелері)

Әдіскер: А.Доскеева

4. «Менің педагогикалық жаңалығым»

Тәрбиеші Қосыбаева Жанат

5. «Инновациялық технология арқылы балалардың шығармашылық- танымдық қабілеттерін дамыту» шеберлік сағаты.

Тәрбиеші: Кирбаева Г.

6. Тренинг: «Қорытынды жасаймыз»

Педагог-психолог Жақсылық Мираш

7. Жазғы сауықтыру шараларын талқылау және бекіту

Әдіскер: Доскеева

8. Әр түрлі мәселелер

Педагогикалық кеңестің шешім жобасын қабылдау және бекіту.

2024-2025 оқу жылының №4 педкеңесі дәстүрден тыс өтті. Бірінші мәселе бойынша бөбекжай меңгерушісі Б.Ибадуллаева сөз алды. №3 педагогикалық кеңестің шешімдерінің орындалуына тоқталып, өте жақсы деген баға берді. аудандық семинар өте жоғары деңгейде өткенін және барлық келген педагогтер өте жоғары бағалап кеткенін мақтанышпен айта кетті. Барлық топтардың дамытушы орталықтар

бөлінгенін және әр топ өз жасына лайықты екенін де атап педагогтерге алғысын білдірді.

Екінші мәселе бойынша педагогтардың жыл бойы істелінген жұмыстар бойынша есеп, тәлімгерлер жұмысының есебі бойынша әр педагог есебін тапсырды. Әр педагог өз қорытынды есебі ішінен өзіне ең ұнаған, мақтаныш сыйлаған абзацтарын оқып берді. Тәлімгерлер жұмысына да оң баға берілді.

Үшінші мәселе бойынша 2024-2025 оқу жылының мамыр айындағы балалардың негізгі құзыреттіліктерінің қалыптасуы бойынша сараптама (мониторинг нәтижелері) нәтижелерін бөбекжай әдіскері Досекеева А. айтып өтті. Келесі оқу жылында коммуникативтік дағдыларды дамытуға арналған іс-шараларды көбейтетінін ескерте кетті. Барлық білім дағдыларының ішінде коммуникативтік дағдылардың көрсеткіші ойландыруарлықтай болып тұрғанын айта кетті.

Төртінші мәселе бойынша «Менің педагогикалық жаңалығым» тақырыбында Косыбаева шеберлік сағатын өткізді. Төрт түлік малдың сүйектерінен муызкалық аспаптарды қалай дайындағанын көрсетті. Малдың әр түрлі сүйектерінен үрмелә және ұрмалы аспаптардан оркестр құрып көрсетті. Педагогикалық жаңалығын ары қарай шыңдай беретінін айта өтті.

Бесінші мәселе бойынша «Инновациялық технология арқылы балалардың шығармашылық- танымдық қабілеттерін дамыту» тақырыбында Г. Кирбаева іс-тәжірибесімен бөлісті. Әртүрлі топтармен ойнауға болатын ойын түрімен таныстырды. Педагогтер сұрақтарына жауап беріп, ойын ережесін жан-жақты түсіндірді. Әріптестері тарапынан оң бағаланды.

Алтыншы мәселе бойынша педагог-психолог Жақсылық Мираш «Қорытынды жасаймыз» тренингін ойнатты. Әр топ тәрбиешілері өз әріптестерімен бірге жыл бойы жасалған жұмыстарына қорытынды жасау ретінде бірнеше ойын түрлерін ойнады. Әр ойын соңында әр іс-әрекетке қорытынды жасалынып отырды.

Жетінші мәселе бойынша әдіскер Досекеева А. жазғы сауықтыру шараларын талқылау және бекіту бойынша баяндама жасады. Жаңа нұсқаулықпен таныстырып, жаз мезгілінде жұмыс жасайтын тәрбиешілерге бірнеше нұсқаулар берілді. Сабақ кестелері таратылып, циклограмма үлгісі берілді.

Әр түрлі мәселелер бойынша меңгеруші Б.Ибадуллаева топтардың ішкі жөндеу жұмыстарына әр педагог жауапты екенін айтты. Жаз мезгіліне ақылы демалысқа шығатын педагогт ер кестесімен таныстырып өтті. Жазғы сауықтыру маусымында жұмыс жасауға қалатын педагогтерді топтарға бөлді. Еңбек демалысына шығатын әріптестеріне жақсы демалыс тіледі.

Педагогикалық кеңес қорытындыланды, шешім шығарылды.

№5 педагогикалық кеңестің шешімі:

1. Оқу жылының барлық құжаттары тігілсін, тапсырылсын.
2. 2024-2025 оқу жылының жылдық жоспары толықтай жаңартылсын.
3. Шығармашылық ізденіс жандансын, жаңа оқу жылына жаңа көзқараспен келсін.

4. Еңбек демалысына педагогтар кестеге сай жіберілсін.
5. Жазғы сауықтыру маусымында жұмыс жасайтын педагогтер жауапкершілікпен жұмыстарын атқарсын, бала қауіпсіздіне баса назар аударылсын.

Педкеңес төрайымы:

Хатшы:

